

ԿԱԶՄԱՐԱՐՈՒԹՅՈՒՆԸ ՀՈՌՈՄՈՍԻ ԳՐԶՈՒԹՅԱՆ ԿԵՆՏՐՈՆՈՒՄ

ԿԱՐԵՆ ՄԱԹԵՎՈՍՅԱՆ

Միջնադարյան Հայաստանում հոգևոր և մշակութային արդյունավետ գործունեությունը հայտնի Հոռոմոսի վանքը եղել է նաև կազմարարական արվեստի կենտրոն։ Հոռոմոսի գրչատանը կատարված կազմարարական աշխատանքների մասին պահպանված վկայությունները վերաբերում են XIII դ. և XIV դ. կեսերին, սակայն վանքում ձեռագրեր կազմվել են նաև դրանից առաջ, մասնավորապես Հովհաննես գրչի և նկարչի գործունեության շրջանում (XII դ. երկրորդ կես)։ 1211 թ. Հոռոմոսում է կազմվել «Հաղթատի Ավետարանը» (կազմարար Արրահամ, Մատենադարան, ձեռ. № 6288), որը անցի Սահակ քոհանայի պատվերով գրվել էր Ձաղրատում (գրիչ՝ Հակոբ)։ Նկարազարդվել Անիի Բեխենց վանքում (մանրանկարիչ Մարգարե)։ Ձեռագրի ստեղծմանը նպաստակառնողված գործողությունների նման հաջորդականությունը վկայում է, որ Հոռոմոսի պաշտոնը բավական հեղինակավոր էր կազմարարության ասպարեզում։

«Հաղթատի Ավետարանը» Հոռոմոսի գրչատան պատմությունը հարստացնում է մի ուղագրավ մանրամասնով։ Ձեռագրի խորաններից մեկի լուսանցամասում (էջ 9ա) Մարգարեն պատկերել է Հոռոմոսի կազմող Արրահամի դիմանկարը՝ կից մակագրելով. «Կազմիչ սորին հայր Մարահամ եւ մի զնորդ՝ ի սմին յիշեսցիք»¹։ Պատկերում Արրահամը կրում է կապա՝ վրայից փիլոն, զլխին սրածայր հայկական վեղար է, ոտքերին կարմիր կոշիկներ։ Աջ ձեռքով բռնել է երկարակոթ խաչ, ձախով՝ կարմրակազմ Ավետարան։ Դեմքը լավ է պահպանվել, Հոռոմոսից կազմարարը համալսարանում դիմագծերով, կարճ երկնյուղ մորուքով երիտասարդ վանական է (նկ. 1)։ Հանձնիս Արրահամի պատկերի ունենք կազմարարի դիմանկար ներկայացնող ամենավաղ նմուշը հայ մանրանկարչության մեջ։

«Հաղթատի Ավետարանի» գլխավոր հիշատակարանում ձեռագրի կազմվելու մասին հայտնվում է. «Հրամանաւ հայր Միսթարայ կազմեցաւ ի վանքս Հոռոմոսի... Զկազմող սորին գԱրրահամ... յիշեսցիք յաղաթս»²։ Ծավոք, Արրահամի պատրաստած կազմը մեզ չի հասել, այն ձեռագրի նորոգումներից մեկի ժամանակ փոխարինվել է նորով։

Հոռոմոսում են կազմվել XIII դ. առաջին կեսի նշանավոր գրիչ և մանրանկարիչ Իգնատիոս Հոռոմոսցու ձեռագրերից շատերը։ Գրչի հայտնի ամենավաղ ձեռագրի գլխավոր հիշատակարանն ավարտվում է հետևյալ խոսքերով. «գրեցաւ ի թուիս Հայոց ՈԿԳ(1214), ձեռամբ Իգնատիոս մեղաւորի։ Աղաչեմ յիշել ի սուրբ յաղաթս ձեր զիս եւ զծնաւդսն մեր... Արդ, որչափ ի սա գիր ստացաւդի սորա, այնչափ աւրհնութիւն յԱստուծոյ եւ ամենայն սրբոց նորա, ամէն։ Հոռոմոսի վանացն ոսկետուփի Ավետարանն եւ այս՝ մինչգրչի է դրած»³։ Ինչպես տեսնում ենք, ավանդական «ամէն»-ին հաջորդող նախադասությամբ Իգնատիոսը հայտնում է 1214 թ. առաջ իր դրած մի ոսկետուփ ձեռագրի մասին, որը գտնվում էր Հոռոմոսում⁴։ Շատ հավանական է, որ Հոռոմոսի ոսկետուփի Ավետարանը հենց նույն վանքի գրչատանը կազմված լինի։

Իգնատիոսի լավագույն ստեղծագործություններից և «Բագնայրի Ավետարանը» (Մատենադարան, ձեռ. № 1519)⁵ գրված 1232 թ. Հոռոմոսի վանքում, իշխանաց իշխան պատրոն Խոռասի պատվերով։ Վերջինս մեծահարուստ և ազդեցիկ անձնավորություն էր՝ Իվանե և Զաքարե Զաքարյանների քեռորդին։ Գրչությունից հետո մեծագիր և շքեղազարդ ձեռագիրը նվիրվել է Բագնայրի վանքին՝ ի հիշատակ Խոռասի հանգուցյալ կնոջ և որդու Որոշ ժամանակ անց ձեռագիրը գերեվարվել է, 1308 թ. փրկագնվել, իսկ XIV դ. կեսերին նորոգվել Անիի քաղաքացի Պարոնի կողմից։ Վերջինիս հիշատակարանում կան ձեռագրի նախնական դարգավաճությունը

¹ ԺԺԳ՝ դարի հայերեն ձեռագրերի հիշատակարանները (կազմեց Ա. Ս. Մաթևոսյան), Երևան, 1984, էջ 69։

² Նույն տեղում, էջ 72։

³ Նույն տեղում, էջ 84։

⁴ Կ. Մաթևոսյան, Գրիչ և մանրանկարիչ Իգնատիոս Հոռոմոսցի («Բանբեր Երևանի Համալսարանի», 1982, № 1, էջ 123)։

վերարևող ընդունմանը. «Բարեպաշտ ոմն Պարոն անուն, ի մայրաքաղաքէս Անոյ, տեսի զսուրբ Աւետարանս, որ էր գրեալ և զարդարեալ ոսկեով և արծաթով մեծ պատրոնն խաւոս... անցեալ էր ըստ ժամանակ և արծաթն և ոսկին խախտեալ էր և անգեալ Արդ ես մեղուցեալ Պարոնս... և որոգեցի զսայ ի հալալ վաստակոց իմոց...»⁵ Խախտված և ընկած արծաթն ու ոսկին անկուսկած պետք է ձեռագրի կազմին պատկանեին, ինչպես ժամանակին իրավացիորեն նկատել է Գ. Հովսեփյանը։ Նա գրում է, որ Պարոնը «ենթոգել է տվել ավիտարանի կազմը, որովհետև խոռոսի «ոսկիով և արծաթով» զարդարած կազմը խախտված էր և ընկած»⁶։ Այսպիսով, Իգնատիոսի գրած և նկարազարդած գեղեցկազարդ մասյանը 1232 թ. Հոռոմոսում կազմվել է արծաթե կազմով (հավանորեն ոսկեջրած արծաթյա կազմով)։ Թե՛ այս, թե՛ «Հոռոմոսի ոսկետուփ Ավետարանի» կազմերը, որոնք ոսկեջրական, կազմարարական արվեստի մեծարժեք գործեր պիտի լինեին, չեն տաճպանվել։



Նկ. 1

Հոռոմոսի և Անիի շրջանից մեր օրերը հասած միակ կազմը 1347 թվականից է։ Այն ամփոփում է 1325 թ. Ջենովայում Աստվածատուր քահանայի ընդօրինակած մի Ավետարան (պահ-

⁵ Գ ա Ր Ե Ջ Ի Ն Հ ո Վ ս Ե Վ յ ա ն, Յիշատակարանը ձեռագրաց, հ. Ա, Անթիլիաս, 1951, էջ 891—893։

⁶ Գ ա Ր Ե Ջ Ի Ն Հ ո Վ ս Ե Վ յ ա ն, Նյութեր և ուսե մնասիրություններ հայ արվեստի պատմության, հ. Ա, Երևան, 1983, էջ 89։

ԼՐԱՔԻՐ 12—5

վում է էրմրտաժում՝ ՄՅ—834)։ Ձեռագրի և արծաթյա զրվազազարդ կազմի ուսումնասիրությանը զրադվել են Գ. Հովսեփյանը⁷ և Տ. Իզմայլովանցը։

Կազմի երկու կողմերում պահպանվել են դրոշմագիր արձանագրություններ, որոնք թեև որոշ հատվածներում թերի են, սակայն տեղեկություններ են պարունակում ձեռագիրը Հոռոմոսի վանքին նվիրվելու, նվիրատուների և այլոց վերաբերյալ։ Արձանագրությունն առաջին անգամ հրատարակել է Գ. Հովսեփյանը։ Կազմի առաջին երեսին դրվագված խաչելության տեսարանը շրջանակող արձանագրության վերին մասն ընկած է, մնացածը, ըստ Գ. Հովսեփյանի, հետևյալն է. «...մայ որդու Մանկայսարին եւ Ասլան խաթունին եւ Զաչո (վերջին տառը կարելի է ո կարդալ) եւ որդի իմ Ամիր Սմայատ (սմայ տառերը կցագիր են, վերջին «տա»-ն նաև հաջորդ բառի սկզբնատառն է— Կ. Մ.) տվեցաք զաւետարանս սբ. ուխտիս Հոռոմոսի, որք ընթեռնուք յաղաթս յիշեցէք»։ Կազմի լուսանկարում (նկ. 2) որոշակիորեն երևում է, որ արձանագրությունը սկզբ-



Նկ. 2

վում է «...մայա ձևով, որը ժամանակակից դրոշմագրության սեռական հոլոված անձնանվան վերջնա-

⁷ Գարեգին Հովսեփյան, Մի էջ հայ արվեստի և մշակութի պատմությունից, Հայկ. 1930, էջ 36—37, նույնի, Նյութեր և ուսումնասիրություններ..., էջ 176—179։

⁸ Т. Измайлова, Армянская рукопись, написанная в Генуе в 1325 г. и ее серебряный оклад 1347 г. («Византийский временник». 1961, т. 20, с. 243—258)։ տե՛ս նաև՝ Н. Степанин, Декоративное искусство средневековой Армении, Л., 1971, с. 49—50, илл. 153—154.

⁹ Գարեգին Հովսեփյան, Նյութեր և ուսումնասիրություններ..., էջ 178։

մաս է (Վահրամայ, Ասպրամայ, Վոսմայ և այլն)։ Գ. Հովսեփյանը արձանագրության մեջ նշելով Ջաջու կամ Ջաջս, շարադրանքում նվիրատու հոր անունը գրում է Ջաջու¹⁰, որն այդպես էլ կիրառվել է հետագա ուսումնասիրողների կողմից¹¹։ Սակայն արձանագրության մեջ գրված է «Ես Ջաջս», ուստի կարծում ենք նպատակահարմար է անփոփոխ թողնել անվան բնագրային ձևեր, մանավանդ, որ Ջաջն ունեցել է Ջաջու անվանից միանգամայն անկախ կիրառություն¹²։ Կազմի երկրորդ երեսին, «Տիրամայրը մանկան հետ» պատկերի մոտ եղած արձանագրությունը վերաբերում է Հոռոմոսի վանականներին և արհեստավոր ոսկերիին։ Դարձյալ գրված է որպես գրվագապատկերի շրջանակ՝ սկզբելով վերին ձախ անկյունից. «Ստեփանոս... [Սար]դիս կրան[ա]րս յիշեցէք յաղաթս մը [աղաչեմք]»։ Աստվածածնի պատկերից վեր նշված է կազմի պատրաստման թվականը՝ 272 (1347), իսկ զահագրակից ներքև գրված է ոսկերիչ կազմարարի հիշատակագրությունը. «Ջմեղուցեալ ոսկերիչս Գրիգոր յիշեսցէք»¹³։

Արձանագրության սկզբում հիշատակված Ստեփանոսն ամենայն հավանականությամբ Հոռոմոսի վանահայրն է, որի մասին տեղեկություն կա նաև վանքի Ս. Հովհաննես եկեղեցու ներքին 1336 թվակիր մի վիմագիր արձանագրության մեջ. «...[ի]յառաջնորդութեան հաւր Ստեփանոսի»¹⁴, Վերջինս Հոռոմոսի առայժմ հայտնի միջնադարյան վերջին վանահայրն է¹⁵։

Ուշագրության է արժանի մեկ այլ հանգամանք եւս։ Նույն 1336 թվակիր արձանագրությունը (որ խոսվում է Վահրամ Թաթևի կողմից վանքի ունեցվածքի վերականգնման մասին) սկսվում է հետևյալ կերպ. «... Ես Վահրամ Թաթևյալ Կաթուղեաց Կաթուղե, որդի Իւանի, թոռն մեծին Շահ-Կաթուղեի որդի մարտապատալար Ջաթարիայի...»¹⁶ և ավարտվում է՝ «սպասաւորք սր. Յովանիսի հաստուցին ամեն ամի ժ ար պատարագ։ Ծի ինձ, Ծի իմ նախնեացն. ի տէրութեան Վահրամ...»։ Կաթուղեի թուրքական հաւր Ստեփանոսի¹⁷։ Կարծում ենք, որ այստեղ հիշատակվում են երկու տարբեր Վահրամ, և ԼԹԵ առաջինը Ջաթարյան Վահրամ (կամ Վարհամ) Թաթևի է, ապա երկրորդը Հոռոմոսի շրջանի անմիջական տերն է։ Հոռոմոսի մեկ այլ, անթվական արձանագրության մեջ օրինակ հանդիպում ենք՝ «ի հայրապետութեան տէր Սարգսի եւ ի աւետարեան վանացս Գրիգորայ, Սմբատու, Վանդամա...»¹⁸։ Թվում է, որ 1336 թ. արձանագրության երկրորդ Վահրամը, նույն վանահայր Ստեփանոսի հետ 1347 թ. հիշատակված Մանկասարի և Ասյան խաթունի որդին է¹⁹։ Հիւրախ, վերջինս բավական կարևոր անձնավորություն պետք է եղած լիներ, որպեսզի կազմի արձանագրության մեջ նվիրատու Ջաջը հիշատակեր նրան ու նրա ծնողներին, այն դեպքում, երբ անդամ իր ծնողներին չի հիշատակում։

Գրիգոր ոսկերիչի պատրաստած արծաթյա կազմն ուշագրավ է իր արվեստով և պատկերադրությամբ։ Ներկայացված տերունական տեսարաններն ակնհայտորեն կապվում են պատկերազրական հին ավանդների հետ։ Խաչելություն հորինվածքի մասին Գ. Հովսեփյանը գրում է. «Ոսկերչական գործը, թեև ԺԴ դարու կեսերին է, բայց նորան օրինակ ծառայող պատկերադրությունը շատ ավելի հին է... Մարիամի և Հովհաննու տիպերը, հրեշտակների անդրինները, խաչեցյալի մարմնի դիրքը, բոլորը մատնանշում են մեր ԺԱ դարու մանրանկարչության մեջ ընդհանրացած երևույթները, որոնց ծագումը Թ—Ժ դար կարելի է տանել»²⁰։ Տ. Իղմայլովան մասնավորեցնելով սույն դիտողությունը, կազմի խաչելության տեսարանը համեմատում է «Մոզնու Ավետարանի» (Մատենադարան, ձեռ. № 7736) համապատասխան մանրանկարի հետ, շեշտելով

¹⁰ Նույն տեղում, էջ 177—178։

¹¹ Վ. Արարահայան, Արհեստները Հայաստանում IV—XVIII դդ., Երևան, 1956, էջ 108, Բ. Հակոբյան, Անիի պատմություն, հ. Բ, Երևան, 1982, էջ 323։

¹² Հ. Ահարյան, Հայոց անձնանունների բառարան, հ. Դ, Երևան, 1948, էջ 295։

¹³ Գարեգին Հովսեփյան, Նյութեր և ուսումնասիրություններ..., էջ 179։

¹⁴ Ն. Ոսրոյան, Տեղագրությունը ի Փոքր և ի Սեծ Հայս, Վենետիկ, 1864, էջ 159։

¹⁵ Ա. Մխիթարյանի Հոռոմոսին նվիրված աշխատության մեջ վանքի վերջին առաջնորդ է համարվում հայր Վահանը՝ հիշատակված 1326 թ. (Ա. Մխիթարյան, Պատմություն Հոռոմոսի վանաց ի Շիրակ, Վաղարշապատ, 1870, էջ 21)։ Ինչպես տեսնում ենք, Վահանին հաջորդել է Ստեփանոսը, որը հիշատակվում է 1336 և 1347 թվականներին։

¹⁶ Ն. Սարգսյան, Նշվ. աշխ., էջ 158 (այս և հաջորդ մեջբերված հատվածներում անդամ ինքնաբերականները մերն են— Վ. Մ.)։

¹⁷ Ն. Սարգսյան, Նշվ. աշխ., էջ 159։

¹⁸ Նույն տեղում։

¹⁹ Գարեգին Հովսեփյան, Նյութեր և ուսումնասիրություններ..., էջ 178։

²⁰ Նույն տեղում։

ասկա ընդհանրությունները: Նկատենք, որ վերոհիշյալ հորինվածքը կառուցվածքով բաղկան մոտ է նաև Իգնատիոս Հոռոմոսցու 1236 թ. առաջ նկարազարդած մի ավետարանի նախնություն ասանակարին (Նոր Զուգա, Ամենափրկիչ, № 36, էջ 89):

Կազմի երկրորդ երեսին ներկայացված է Օգիգիգրիայի պատկերազարդական հորինվածքը, որ ցանցադրոժ գահավորակին բազմած Տիրամայրն է՝ մանուկ Հիսուսը գրկին, Դրոշմապատկերի շուրջ անկյունամասերում շրջագծերի մեջ պատկերված են շորս ավետարանիչները, վերևում Մատթեոսը և Մարկոսը, ներքևում՝ Ղուկասն ու Հովհաննեսը, Պառկերներն ուղեկցված են համապատասխան մակադրություններով:

Ջաշի և Ամիր Սմբատի պատվիրած կազմը, ըստ Գ. Հովսեփյանի, «ծագմամբ Անիից պետք է համարել, որովհետև նվիրված է մերձակա Հոռոմոսի վանքին»²¹: Տ. Իզմայլովան նշում է, որ իր կատարած հետազոտությունը թույլ է տալիս խոսել եթե ոչ կազմարարական որոշակի դպրոցի, ապա արվեստանոցի մասին, որը գտնվել է Հոռոմոսի վանքի շրջանում²²: Ինչպես վերը տեսանք, Անիի մերձակայքում հենց Հոռոմոսի վանքն էր հայտնի իր վարպետ կազմարարներով, որոնք նաև արծաթյա կազմեր էին պատրաստում: Մեր քննած կազմի պատկերազարդությունը վկայում է, որ այն կազմարարական գործի հիմնավոր ավանդներ ունեցող գրչատնից է սերում: Պատահական չպետք է համարել նաև Հոռոմոսի միաբանների ու վանքի հետ առնչվող անձանց (Ստեփանոս, Սարգիս կրոնավոր, Մանկոսարի և Ասլան խաթունի որդի [Վարձյամ]) մանրամասն հիշատակումը կազմի արձանագրության մեջ: Գրիգոր ոսկերիչն այդ միջավայրին մոտ կանգնած մեկը պետք է եղած լինի:

Ավելացնենք, որ XIV դ. 40-ական թվականները, դատելով ժամանակի ձեռագրերի հիշատակարաններից, համեմատաբար խաղաղ տարիներ են եղել Անիի համար: Զաքարյան Վահրամ Թաթևակի կարգադրությամբ նրա Ասիլ գործակալը նորոգել է քաղաքի Ս. Փրկչի տաճարի գմբեթը (1342), կատարել շինարարական այլ գործեր²³: Անիի մերձակա Հոռոմոսի վանքը, բնականաբար, նույնպես հոգեոր և մշակութային կյանքի որոշ աշխուժացում է ապրել, որի մասին վկայում են այդ շրջանի վիժագրերը և ձեռագրական մշակույթի հուշարձան 1347 թ. արծաթյա կազմը:

Այսպիսով, 1211 թ. «Հաղբատի Ավետարանի» (պատվիրատու՝ Սահակ, կազմարար՝ Արհամ), 1232 թ. «Բագնայրի Ավետարանի» (պատվիրատու՝ պատրոն Խոռաս) կազմերի մասին եղած տեղեկությունները և 1347 թ. կազմը (պատվիրատուներ՝ Ջաշ և Ամիր Սմբատ, կազմարար՝ Դրիգոր), լրացնելով մեր գիտելիքները Հոռոմոսի գրչատան մասին, թույլ են տալիս այն դասելու միջնադարյան Հայաստանի կազմարարական կենտրոնների շարքը:

ПЕРЕПЛЕТНОЕ ДЕЛО СКРИПТОРИЯ МОНАСТЫРЯ ОРОМОС.

КАРЕН МАТЕВОСЯН

Резюме

Монастырь Оромос (близ Анн) является одним из известных армянских средневековых центров копирования рукописей. Там же значительного уровня достигло и переплетное искусство. В Оромосе в 1211 г. было переплетено Ахпатское Евангелие (ММ № 6288), написанное и иллюстрированное в других монастырях. Среди миниатюр этой рукописи сохранился портрет Оромосского мастера—переплетчика Абрама.

В Оромосе были переплетены многие рукописи переписчика и миниатюриста Игнатия («Оромосское Евангелие Воскетуп», «Багнайрское Евангелие»). К сожалению, эти переплеты не дошли до нас, но как сообщают памятные записи, они были сделаны из серебра и золота. Единственный сохранившийся серебряный оклад из района Оромос был сделан ювелиром Григором в 1347 г. по заказу некоего Джаджа и его сына Смбата (ныне хранится в Эрмитаже, УЗ-834). Исследование чеканных изображений на досках оклада выявляет архаичность канонических мотивов, доказывая тем самым устойчивость художественных традиций переплетной мастерской Оромоса.

²¹ Տ ա ռ Ե շ ի ն Հ ո Վ Ս Ե Փ յ ա ն, Ն յ ո թ Ե ր և ու ս ո մ ը ն ա ս ի ռ ո թ յ ո ն ն Ե ր ..., է ջ 178:

²² Т. И з м а й л о в а, ն ղ Վ. ա շ Խ., է ջ 58:

²³ Կ. Ա. Մ ա թ Ե ո ս յ ա ն, XIV դ ա ռ ի հ ի շ ա տ ա կ ա ռ ա ն ն Ե ր Ա ն ի ք աղ ա թ ի և ա ն Ե ղ ի ն Ե ր ի մ ա ս ի ն («Պատմա-բանասիրական հանգես», 1985, № 3, էջ 111—114):